



Proba de

Código

CMPS010

Lingua  
galega e  
literatura

Control

Pegue aquí a etiqueta  
de control do exame

(sen código de barras)

Proba de

Lingua galega e literatura



# 1. Formato da proba

---

## Formato

- A proba consta de 18 preguntas tipo test baseadas no material para a preparación das probas de acceso a distancia e unha pregunta de redacción.
  - Parte inicial: oito preguntas tipo test.
  - Texto 1: cinco preguntas tipo test.
  - Texto 2: cinco preguntas tipo test.
  - Parte escrita: unha redacción.

## Puntuación

- Puntuación: 0'50 puntos por pregunta e 1'00 punto pola redacción.

## Duración

- Este exercicio terá unha duración de 45 minutos.
- Tempo estimado para responder:
  - Parte inicial: oito preguntas tipo test: 16 minutos.
  - Texto 1: cinco preguntas tipo test: dez minutos.
  - Texto 2: cinco preguntas tipo test: dez minutos.
  - Parte escrita: unha redacción: nove minutos.

## Materiais ou instrumentos que se poden empregar durante a proba

- Bolígrafo con tinta negra ou azul.

## Advertencias para o alumnado

- Os exames non deben levar ningún tipo de marca nin texto que poidan identificar o alumnado.



## 2. Exercicio

---

### 1. Cal é a oración escrita correctamente?

---

- A** Rebeloume un segredo.
- B** As bagas levaron todas as algas.
- C** O vento facía abalar as pólas dos castiñeiros.

### 2. Cal é a oración escrita correctamente?

---

- A** Os escaravellos e as volvoretas son insectos.
- B** Gravou coa súa cámara o voo dos voitres á tardiña.
- C** O automóvil virou e foi dar a unha gavia próxima da casa.

### 3. Cal é a serie de palabras correctamente acentuada?

---

- A** Duas, acentúo, baúis, egoísmo, proteína, viúva, circuító, destituír, amábeis, com-  
preí, insistiu.
- B** Laúde, ateísmo, posúe, caíches, diúrno, saúde, contribuínte, preferíbeis, cantou,  
elixiu.
- C** Aínda, oír, cafeína, fiúncho, viúvo, muiñeiro, distribuír, sensíbeis, xersei, prefe-  
ríu.

### 4. Cal é a serie de palabras correcta?

---

- A** Ampola, agasallar, apelido, antollo, argola, aparello, atopelar, belo, belota.
- B** Calo, camello, bacalao, casula, mexillón, collar, crioulo, degollar, aparellador,.
- C** Estaleiro, estela, estrela, fallecer, querella, rolo, selo, valado, avasalar.

### 5. Cal é a serie de palabras correcta?

---

- A** Estrañar, espraíar, espremer, espolio, escavadora, conxuntura, cornixa, mesquita.
- B** Enxesar, engrasar, arxila, excavación, pexorativo, tinxir, cervexa, cónxuxe.
- C** Excavar, enxalzar, exprimir, estremeña, solfexo, esplendor, traxecto, vertixe.

### 6. O substantivo *veciña* é:

---

- A** Propio, concreto, individual, non contable.
- B** Común, abstracto, individual, contable.
- C** Común, concreto, individual, contable.



**7.** O plural correcto das palabras *rei, pan, túnel, bocoí, caracol* e *álbum* é:

---

- A** Reies, pans, túneis, bocois, caracois, álbumes.
- B** Reis, pans, túneles, bocois, caracois, álbums.
- C** Reises, panes, túneles, bocoies, caracoles, álbumes.

**8.** Cal é a serie de formas verbais correctamente conxugadas?

---

- A** Andivo, conduciu, creeu, foxe, correxiu, obedezco, leese.
- B** Andivo, conduceu, creu, fuxe, corrixeu, obedezo, lese.
- C** Andou, conduciu, creu, foxe, corrixiu, obedezo, lese.



### Texto 1 con cuestións tipo test

“Aínda eu non nacera e a miña nai era pequena. Na bocanoite dun día morno de abril, as xentes da miña vila ollaron unha raiola de luz que viña do mar, batendo no campanario da igrexa como unha raiola de sol coada por unha fenda das nubes; pero non era de sol nin de luar nin de cousa semellante. Aquilo era unha luz de lóstregos, botada por un ollo vixiante, que cachea algo, deténdose de tempo en tempo no campanario da igrexa para saber a hora e seguir despois traballando. As xentes acudían en greas desde tódolos cabos da vila e plantábanse na praza, todos caladiños coma petos. Chantados os pés no chan seguían cos ollos o movemento da luz: alentaban a modo e os corazóns batían forte.

Xa noite pechada chegou o médico, home de moito creto científico, e todos se foron a el agardando que da súa boca saíse a verdade. O médico ollou a luz, engurrou o nariz, encolleu os ombreiros e dixo con cara de poucos amigos:

- Eu non coñezo este fenómeno.

Nunca tal dixera. Unha muller formulou nun chío de dor o medo de todos. E as xentes entolecidas espalláronse polas rúas berrando: “¡Que se acaba o mundo! ¡Que se acaba o mundo!”

AFONSO DANIEL RODRÍGUEZ CASTELAO: *Cousas*. Editorial Galaxia.

#### 9. Cal é o significado da palabra *bocanoite*?

- A** Momento en que comeza a noite.
- B** Momento en que chega a media noite.
- C** Momento en que acaba a noite.

#### 10. Cal é o significado da palabra *greas*?

- A** Carros.
- B** Conxuntos.
- C** Coches.

#### 11. Cal é o significado da palabra *creto*?

- A** Coñecemento profundo dun tema ou disciplina.
- B** Experiencia profesional acumulada ao longo dos anos.
- C** Boa reputación da que goza unha persoa.

#### 12. Cales son os sinónimos correctos de *morno*?

- A** Tépedo, temperado.
- B** Xélido, destemperado.
- C** Nubrado, cuberto.



**13.** A palabra *caladiños* contén:

---

- A** Dous lexemas e sufixos derivativos.
- B** Un lexema e un sufixo alterativo.
- C** Unha raíz e morfemas de número e persoa.



## Texto 2 con cuestións tipo test

Despois do almorzo, e de pagalo coas poucas moedas que levabamos, discutimos o que conviña facer. Eu optaba por deixala quedar naquela fonda, á espera de que volvese a Garda Civil e se fixese cargo dela. Para pagar os gastos que puidese ocasionar a súa estancia, sempre necesariamente breve, bastaría con vender a burra. Certo que non me fiaba moito dos hospedeiros e non me gustaban as condicións de limpeza do local, pero tampouco había nada mellor. E optaba por iso porque, entre outras cousas, a pesar de que comezara a baixar a inchazón do seu tornecele, aínda lle molestaba bastante, e debía ver as estrelas cada vez que pousaba o pé no chan. Pero ela non estaba tranquila e non quería deixarme ir. E teño que recoñecer que non lle faltaba razón. Así que, arriscándome a acabar preso, accedín a agardar canda ela”.

XOSÉ MIRANDA: Morning Star. Edicións Xerais.

### 14. Cal é a serie de palabras que contén conxuncións e locucións conxuntivas?

- A** O que, naquela, canda ela, certo que, bastante, cada vez que.
- B** Porque, así que, a pesar de que.
- C** De que, dela, sempre, pero, mellor, despois de.

### 15. Os tempos verbais *volvese*, *fixese* e *puidese* son:

- A** Pretérito de subxuntivo.
- B** Pretérito de indicativo.
- C** Antepretérito de indicativo.

### 16. A palabra *me* é:

- A** Un artigo determinado.
- B** Un determinante posesivo.
- C** Un pronome persoal.

### 17. A palabra *sempre* é:

- A** Un adverbio.
- B** Unha preposición.
- C** Unha conxunción.

### 18. Cal é o significado da palabra *tornecele* neste texto?

- A** Óso da perna entre o tarso e o xeonllo paralelo á tibia.
- B** Óso da perna entre o tarso e o xeonllo paralelo ao peroné.
- C** Xuntura que forman os ósos na articulación da perna co pé.



**XUNTA DE GALICIA**

CONSELLERÍA DE EDUCACIÓN  
E ORDENACIÓN UNIVERSITARIA

Dirección Xeral de Formación Profesional  
e Ensinanzas Especiais

Parte sociocultural  
LINGUA GALEGA E  
LITERATURA

[CM.PS.010]

**Cuestión de resposta aberta [1'00 punto]**

**19.** Escriba un texto de 100 palabras sobre as saídas e as viaxes escolares.

---





### 3. Solución para as preguntas que non son de tipo test

---

- **Pregunta 19:** Escriba un texto de 100 palabras sobre as saídas e as viaxes escolares [1'00 punto].
  - Non se pode incluír aquí un texto patrón, dado que cada alumno redactará un diferente.
  - Nesta pregunta valorarase o contido, a adecuación, a coherencia, a cohesión e a gramaticalidade.
  - Indícanse algunhas pautas relativas á presentación, á caligrafía, á ortografía, á puntuación, ao vocabulario empregado, á precisión nos termos, etc.
    - Considerarase como falta leve, penalizada con 0'10 puntos, cada caso de uso incorrecto dos tiles, de uso de variantes dialectais, coloquialismos e imprecisións léxicas, así como a mala caligrafía xeral.
    - Considerarase falta grave, penalizada con 0'15 puntos, cada caso de erro ortográfico como “b/v” ou presenza ou ausencia de “h”, cada erro de puntuación, a falta de marxes e a presenza de borróns.
    - Considerarase falta moi grave, penalizada con 0'20 puntos, aquela que vaia contra o sistema do idioma, como o uso de formas compostas, o uso de grafías impropias sen xustificación (y, j, etc), mala colocación do pronome átono ou a non utilización das maiúsculas cando corresponda.



## 4. Solución para as preguntas tipo test

Nº	A	B	C	
1			X	
2		X		
3		X		
4	X			
5	X			
6			X	
7		X		
8			X	
9	X			
10		X		
11			X	
12	X			
13		X		
14		X		
15	X			
16			X	
17	X			
18			X	
19	Redacción			
Nº de respostas correctas (C)				
Puntuación do test (C x 0'5)				
Puntuación da redacción (R)				
Total = (C x 0'5) + R =				